

moult aggreuer en loant moult melibee de puissance d'auoir ⁊ damis en vitu-
perant la puissance de ses aduersaires ⁊ dirent que tout oultre il se deuoit tan-
tost vengier ⁊ et incontinsāt cōmēcerēt la guerre. Et doncques vng sage aduocat
de la voulēte des aultres se leua et dist. Beau seigneur la besongne pourquoy
no^s sōmes icy assēblez est moult haulte ⁊ pesant pour rayson de liniure et du
malefice qui est moult grant ⁊ pour rayson des grās maulx qui sen peuent en
suyuir au temps aduenir ⁊ et pour rayson des richesses ⁊ de la puissance des p-
ties pour lesquelles choses il seroit grāt peril errer en ceste besongne pource
des maintenāt nous te conseillons melibee que tu sur toutes choses ayes dili-
gēce de garder ta psonne en tel maniere quil ne faille ne espies ne gaites pour
toy garder ⁊ et apres tu mettes en ta maison bonne garnison ⁊ fort pour toy et
pour ta maison deffendre. Mais desmouuoir guerre ou de toy vengier tantost
nous nen pouōs pas biē iugier en si pou de temps lequel vault miculx si de-
mātons espace d'auoir deliberaciō car on dit communemēt qui tost iuge tost
se repent. Et dit on aussi que le iuge est tresbon qui tout entent et tart iuge.
Et iacoit ce que toute demeure soit anuyeuse toutesuoyes elle ne fait pas a re-
prendre en iugemēt ⁊ en vengeance quāt elle est souffisant ⁊ raysonnable. Et ce
nous mōstre nostre seigneur par exemple. Quant la femme q̄ estoit prise en
adultere luy fut amenee pour iugier que lon en deuoit faire. Car iacoit ce que
il sceust biē quil deuoit respōdre toutesuoyes il ne respōdit pas tantost mais
vult hauoir deliberacion ⁊ escript deux foys en terre pour ces raysons nous
demātons deliberacion laquelle eue nous te cōseillerons a laide de dieu chose
qui sera a ton prouffit. Lors les iennes gens ⁊ la plus grāt partie de tous les
aultres mocquerēt ce sage ⁊ firēt grāt bruit ⁊ dirent que tout ainsi comme lō
doit batre le fer tāt il est chault ainsi lon doit vengier liniure tāt comme elle est
freche ⁊ escrierēt a haulte voix guerre guerre

A Doncques se leua vng des anciēs ⁊ estendit la main ⁊ commanda q̄
lon fist silence ⁊ dist moult de gēs criēt guerre guerre qui ne sceuēt
q̄ guerre monte guerre en son cōmencement est si large ⁊ a si grant
ētree que vngchascun y peult entrer et la peult trouuer legieremēt mais a tres
grant peine peult lon scauoir a quel fin lon en peult venir. Car quant la guerre
cōmence moult de gēs ne sont encozes nez qui pour canse de la guerre en mor-
ront iennes ou en viuront en douleur et en misere ⁊ fineront leur vie en chā-
tiuete. Et pource auant que lon meue guerre lon doit auoir grant conseil et